

# Bájkkeavijssa NuorttaSálto



Tæksta: Børge Strandskog  
Járggálibme: Divte Media AS /  
Adrian N. Mikkelsen

Hallonjárugas Bájddárin sulle 100 jage dássta ávdđála. Rune Johansena máttaráhkko ja máttaráddjá. Máttaráddjá gábmága li vaskoduvvam. Ájggomus le dát gávva galggá ájnas ja stuorra sajev oadtjot Bádádjo ádá kulturvieson «Stormen». Fra Hallones i Beiarn for drøye 100 år siden. Rune Johansens tippoldeforeldre. Tippoldefarens komaga er skrapet vekk ... Dette gamle fotografiet skal være påtenkt en stor og sentral plass i Bodøs nye kulturhus "Stormen".

## Sáme dábálasj biktasij ...

■ - «Dujna oase sámes», gulliv áhttjám javlaj æddnásim vuorjját gá belkatjijda gá lidjiv mánná. Navti lij mij vuostasj æjvvalibme sáme namájn. Iv jahke áhtje bieles dát lij nav garra moalgedibme. Ájnat dássju dábasj nuorttavuona moalgedibme mij aneduváj gá ettjin guorrasa jali gá belkatjin.

Jagen 2010 oassálastij gávvididdje Rune Johansen, Bøas Stájgon, dájddaprosjæktaj «Er vi her ennå» Viestarálan, aktan Mari Boine. - Vuosádallamijn dáv muossádimev mánnávuodas vuostatjin subtsastiv gulldaliddjijda. Ja vuojnniv de moadda gulldaliddjijis nivkedin ja tsamádin dábdusin. Lidjin aj sæmmi láhkáj vásedam.

Dagu ietja nuorttavuonagijda li sáme, jali gáktu gáhttjun, «kvartlapp», aj Rune Johansena berrahin. Sihke iednes ja áhtjes bielen. Gá æddnusim subtsastiv, gut la Bájddáris, juhte «turneaj» galggiv Mari Boinijn, de ruvva vásstedij; «De ham galga mijá fuolkij sæhkáj». - Valla áhttjám ittjij ávvánis sidá ietjas sáme ájttegijt dáhkkit, joarkká Rune Johansen. Gá sáme gasskavuoha berrahij ihtá, de le álu navti. Ulmutja murkesti moatteláhkáj, mijá ájgen aj. Muhtema li huolodisá, muhtema dábddu dagu boandum li. Valla vilá li muhtema gudi mássju ja e sidá ietjas sáme ájttegijt birra gullat. Nav gáktu lij æjgádij, ádjá ja áhko ja máhtaráddjá ja máhttaráhkko ájgen. Ja dat vas vuoset man buoragit dá háve bissu.

Maņemus jagijt li ienebu Sámedikke jienastumláhkuj tjáledam. Rune Johansen la ietjas mielas milta mierredam ij sidá tjáleduvvat. Vájku doarjju ienemus oasev sáme árbbedábijis ja rahtjamusáv álgoálmugin. Miedet le iesj muhtem mærráj sámijt gáddalam.

- Esski gá állesjattugin sjaddiv sámij histávráv dádjadiv ja vieldediv. Valla vilá uddni de máhtáv gatjádít soames sámij ulmusjuovev. Ja udnásj moattekultuvralasj Vuona sebrudagán galggá dat muv mielas liehket loahpe. Buojkulvissan gulliv soames jage dás ávdđála ságastallamprográmmav NRK Nordlándan. Danna lij dágástallam globála liegganibme birra mij la nuortas boahtemin. Soames ællosábme Finnmárkos lij dágástallamin ja láhpadij dán láhkáj « jus globála liegganibme Finnmárkkuj jáksá, de galgaj stáhtas buohttimav áhtsát. Dajnas de gullu munji riehta muhtem gatjálvisájt gatjádít. Ja suddo le jur dákkir moalgedime ma dábasj dárulattajda dábrjidi.

Prosjæktagávdan Viestarálan Rune Johansen álov gávvidij. - Juo vuostasj báddimin mierrediv guodet symbávlájt gávájv ma sámijt gávvidi. Ittjiv sidá delbastit jali hárdde, valla sihtiv gætjádallat sáme lip vargga gájka gudi lip nuorttat, juogu de dasi lijkkup jali ep.

Mij lip sáme dábasj biktasij....

Rune Johansen áddjá bádj Hallonjárugas Bájddárin. Sijdan li ulmutja árrum gájt dal 1600-jagij rájes. - Ádjá gudá oarbbenvegas lij sán ájnna guhti Bájddárij bátsij. Divna da nuppe Osloj árudin. Sij gudi mannin váldin aj fáron oabme gáváv máttaráhkos ja máttaráddjás gudi giergetráhpan tjáhkudallaba Hallonjárigan. Soajttá le gávviduvvam 1900-jagij álgon. Dalloj gábmagijt adnin. Ma gullujin hædjovuhtaj, lev mán gullam. - Giergetráhppá le vilá ájmon. Dála le dát buolvva muv fuolkes gáhtom ja gávva le vat nuortas boahám. Bessam lev gáváv luojkkat ja dáhtámasjinnaj biedjam. Máttaráddjám gábmagijt tjáhkudallá tráhpán Hallonjárigan. Soames le nijbijn vasskom gábmagijt ierit gávás. Jus dádjada jali vuojná...